

佛說法受塵經

甚

後漢安世國三藏安世高譯

聞如是一時佛遊於舍衛國祇樹給
孤獨園佛告諸比丘比丘受教從佛
而聽佛言比丘凡人為一法受塵自
汙迷惑憂愁沒無端際吾見其不得
無上吉祥之道如丈夫欲見女子色
是以好色之士為染為醉為貪為汙
為惑為著為住為受從婬女言故長
久趨走往來為受慙苦耳常欲聞婬
女之聲鼻欲聞其香舌欲得其味身
欲更其細滑是以長久趨走往來受
苦是故不當為女色聲香味細滑所
染惑也當覺知是又復諸比丘凡人
為法受塵自汙迷惑憂愁沒無端際
吾見其不得無上吉祥之道如婬女欲
見男子色是以好色之女為染為醉為
貪為汙為惑為著為住為受為士色故
長久趨走往來受苦耳常欲聞男子
之聲鼻欲聞其香舌欲得其味身欲
更其細滑是以長久趨走往來受苦
是故不當為士色聲香味細滑所染

佛說法受塵經 第三張 甚
惑也當覺知是佛說是已皆歡喜
受行

佛說法受塵經

癸卯歲高麗國大藏都監奉
勅彫造

佛說法受塵經

校勘記

- 一 底本，麗藏本。
- 一 二三四頁上二行譯者，資、磧、普、南作「後漢沙門安世高譯」。
- 一 二三四頁上五行第七字「凡」，資、磧、普、南、徑、清作「凡」。
- 一 二三四頁上一七行「色是以」，資、磧、普、南、徑、清無。
- 一 二三四頁上一八行第一二字「為」，資、磧、普、南、徑、清作「當為」。
- 一 二三四頁中三行末字「經」下，資有小註「六」。